

清客外集

一
函
十
冊
函

詞 煥 膽 史

清容外集

式
卜
石

紅雪樓藏板

序

蝦蟇陵下。兒家門戶重開。翡翠函中。史院詩詞雙絕。遡青
衫之歌泣事。以感生揮彩筆之雲煙興。從境起美人香草。
雲山助詞客謳吟。戍婦飛蓬霜雪。乃征夫寄託總緣。千古
情同。遂致一時紙貴。若乃碧雞坊裏。少小知名。金馬堂前。
詞華獨擅。佳人才子。同推名噪當時。怨婦逋臣。忽漫相逢。
異地泉流鶯語。悽清發子夜之詞。鐵騎銀瓶。慷慨解商人。
之穢。石銜精衛。潯陽苦海難填。血染杜鵑。京洛旅魂如結。
薔薇盥手。清芬現五色之絲。芍葯爲心。嬌豔出四絃之響。

借酒澆重重。礪君其然乎。搓酥成字字。珠璣我真醉矣。
請付紅兒菊。部悲涼共看沾襟。試起白傅蓬山。今古應稱
同調。

乾隆癸巳六月中浣東臯弟張景宗拜題於萸灣舟中



序

白太傅文章風節。載在正史。余讀其詩。每心儀其人。將重編長慶集。付諸梓。適鉛山蔣太史心餘過我秋聲館。因出所創凡例就質焉。太史拊掌曰善。遂相與上下其議論。偶及琵琶行。舊人撰有青衫記院本。命意遣詞。俱傷雅道。太史工填詞。請別撰一劇。湔雪之。太史欣然諾從。閱五日。卽脫稿。題曰四絃秋。示余。余讀之而嘆。嘆夫太史之才之大。徵引不出本事。而閨房婉轉。遷客羈愁。描摹鏤刻。一一曲盡其妙。乃益笑昔人之拙。其增添新意。正苦才窘耳。亟付

家伶使登場按拍。延客共賞。則觀者輒歛歔太息。悲不自勝。殆人人如司馬青衫矣。夫文之至者能感人。太傅之詩。與太史之詞。皆千秋絕調。合而爲一。其尤足以感人。也不亦宜乎。太史旣收入外集。余復爲之序。其顛末如此。秋聲館主人鶴亭江春識。



序

壬辰晚秋。鶴亭主人邀袁春圃觀察。金棕亭教授及予宴于秋聲之館。竹石蕭瑟。酒半。鶴亭偶舉白傳琵琶行。謂向有青衫記院本。以香山素狎此妓。乃於江州送客時。仍歸於司馬。踐成前約。命意敷詞。庸劣可鄙。同人以予粗知聲韻。相屬別撰一劇。當付伶人演習。用洗前陋。予唯唯。明日乃翦劃詩中本義。分篇列目。更雜引唐書元和九年十年時政。及香山年譜自序。排組成章。每夕挑燈填詞一齣。五日而畢。嗚呼。憲宗英斷之主。雖強藩不靖。而將相得人。斥

奸納諫柄不下移。可云盛矣。矧居易受特達之知。列在近侍。且使擇官以濟其貧。明良之會。豈衰世君臣猜忌者所及乎。乃捕賊一疏甫上。竟遭譴謫。固政府好惡之偏。而得旨施行。又何爲者。豈以殿中論事。抗直干怒。時雖暫解于裴度一言。而憲宗厭薄之心。究不能釋。因而借以出之耶。嗚呼。此青衫之泪。所難抑制者也。人生仕宦。升沉固由數命。若劉夢得。柳子厚。元微之。輩戾由自取。豈得與江州貶謫同日而語哉。填詞雖小道。偶連類而論次之。俾知引商刻羽。時不僅因此琵琶老妓。浪費筆墨也。鉛山蔣士銓清。

容氏書



詩餘

常怪彼蒼。忍把江河。都成泪凝。算無古無今。兩條玉筍。爲
官爲賈。一塊紅冰。長慶詩人。善才弟子。嗚咽相逢。別舫燈。
鯢絃絕。惹一場痛哭。月湧濤崩。孤亭記我曾憑。認千里
波連下馬陵。怪如許秋光。幾人吟弔。者般傀儡。若個翻騰。
偌大才情。淋漓史筆。重寫青衫老白丞。休多訝。看當歌鉛
水。誰減誰增。沁園春

武康高文照東井

夜舫琵琶婦。

昉

訴衷情。忍把嬌嬈。頓教僝僽。

立

男子浮梁。

買茶去。防落得空幃獨守。立只抱却鴟絃消受。防切切嘈

嘈珠泪洒。立搵難乾司馬青衫舊。防江月白荻花瘦。立

新翻一曲常筵奏。防有玉堂仙客金源妙手。立剪劃長歌

徵本事。防雜列史書排紬。立看腕下雨行風驟。防好句成

時剛按拍。立影芭蕉紅燭搖窓牖。防聽九派秋濤吼。立金

縷曲

新安江 昉橙里

新安江 立玉屏

世間能幾歡娛者。相逢便彈珠泪。遠謫官人孤棲蕩婦。都

是者般憔悴。空勞隕涕。任濕透青衫。有誰憐未。瑟瑟霜蘆。
晚風吹盡月西墜。知音忽來千載。聽翻絃上曲。頓教心
醉。身在江湖。志存廊廟。脉脉此情遙寄。偷聲減字。早筆奪
龍門。補成唐史。一部新歌。令英雄短氣。齊天樂

荅溪陳文煜蓉圃

燈影停紅。酒杯凝綠。聽按琵琶調別。舊曲翻新。更繁音淒
切。宛然見當日。荻花楓樹。西舫東船。明月淪落相逢。將舊
情追說。歎主知如此。標臣節。誰道是一疏。江州謫。回首
龍池鶴禁。竟風流消歇。只數聲漁笛。蕭條絕。可憐生汨酒。

四
青衫血算今古一等才人。有天公磨折。
拜星月慢

錢唐俞 裊是齋

刻羽函宮。兩行官燭。翻新譜。往懷今緒。都付琵琶語。
關丹心。史筆淋漓補。天涯暮。悲涼如訴。一夕成千古。
點絳脣

雲間凌應曾叔子

九派空留寒浪千秋誰訴幽襟才子原多軼事詞人最肯
傷心

笙歌鼎沸夜遲遲白髮當筵醉一卮解得琵琶深夜語不
須鬻駱遣楊枝

全椒金兆燕棕亭

古樂秦漢已淪佚中聲在人今不沒審音易而作樂難此
語吾服西泠逸堂堂蔣侯起豫章奇句驚天卓天骨餘技
能爲樂府辭宮徵咀含發古質空谷蘭揚幽闥芬霜林桂
傲陰崖茁協律今見夷夔才傳奇却借范班筆挑燈偶誦

琵琶行潯陽遺事從頭述名倡遠嫁辭青樓才子南遷望
紅日元和戡亂時尙隆樂天敢言道非屈誰教白璧被蠅
點始信朱顏入宮嫉茫茫荻花江浸月船舫無聲四絃歇
莫怪江州泣下多多情原自忘情出休官余亦卧江干四
十四年霜髻殘臨風聽徹銷魂曲那免青衫淚暗彈

京口王文治夢樓

四絃秋雜劇目錄

第一齣 茶別

商人重利輕別離

前月浮梁買茶去

第二齣 改官

我從去年辭帝京

謫居卧病潯陽城

第三齣 秋夢

夜深忽夢少年事